

Bon matin

(Rondeau en chaine des Landes)

Bon matin m'i soi levada davant jorn, davant jorn (bis)
Au casau, me'n soi anada per cuélher flor, per cuélher flor (bis)

Credevan que n'èri sola, n'èri non, n'èri non (bis)
Jo n'avi mon amic Peire, èra damb jo, èra damb jo (bis)

I vèn a passa ua vielha n'a vis tot, n'a vis tot (bis)
Se'n va tot dret chez ma maire, li condar tot, li condar tot (bis)

- Comair, castigua ta filha per rason per rason (bis)
Au casau, l'èi atrapada damb lo pastor, damb lo pastor (bis)

- Comair, que t'a hèit ma filha ? Ditz-me lo, ditz-me lo (bis)
Comair, quan nos èrem joens, tu ambe jo, tu ambe jo (bis)

Aimaivam a canta a ríder, har l'amor, har l'amor (bis)
Saben bien que la joenessa en hèn l'amor, en hèn l'amor (bis).

De monsur de Maitinats

(Branle béarnais)

De monsur de Maitinats qui a tant bèra filha (bis)
Haut lo pè, berojina, haut! Haut lo pè, berojina. (bis)

L'a malauda dens son lheit d'ua gran' malaudia (bis)
Haut lo pè, ...

Va cercar lo medecin, lo mièlher de la vila (bis)
Haut lo pè, ...

Medecin, bon medecin, quin mau ave ma filha? (bis)
Haut lo pè, ...

Si n'a frèba o mau de cap o mau qui's posca diser ? (bis)
Haut lo pè, ...

N'a frèba ni mau de cap, ni mau qui's posca diser (bis)
Haut lo pè,...

Maitinats, marida't la, benlèu serà guarida (bis)
Haut lo pè,...

Da't la a mons de L'enfermièr o a mons de Calendria (bis)
Haut lo pè,...

L'enfermièr n'ei pas tà moè ni tanpòc Calendria (bis)
Haut lo pè, ...

Lo nòstre ase

(Branlon de la Montagne Noire)

Lo nòstre ase es vengut baug, vòl pas manjar la civada (bis)
La vòl pas manjar sonca que siaga curvelada.
La vòl pas manjar curvelada la ie caldrà.

Lo nòstre ase es vengut baug, vòl pas manjar las cauçadas (bis)
Las vòl pas manjar sonca que siagan perbolidas.
Las vòl pas manjar, perbolidas la ie caldrà.

Anètz pas al bot del pont se siètz pas de fins dançaires (bis)
Ba vos diràn ben aquelas morres-relevadas.
Ba vos diràn ben se dançatz pas a lor plaser.

Quan son pair l'a maridada

(Rondeau du Gers)

*Quan son pair l'a maridada
A la navèra façon
L'i a balhat solièrs de palha
E debassis de laston.*

*Joen la la, la mira mirèna,
Joen la la, la mira mirà,*

*Ende cinta, ua bidaula,
End'anèth, un romegon.
Ende coha, ua palhassa
Bordada de laitugon.*

Joen la la, ...

*Quan èra se'n va a la messa
A chivau ser un baston,
Las carmalhas ende bridas,
Lo horcat end'esperon,*

Joen la la, ...

*Lo curèr quita la messa
E las gens la devocion,
End'anar véser la nòvia,
abilhada a la façon.*

Joen la la, ...

Sul camin del Montcalm

(Scottish - composition de Pascale Respaud – Ariège)

*Sul camin del Montcalm
Sabi un mainatge
Qu'a pas pòur de l'autan
Tanpauc de l'auratge.*

*Oh! Petiton, crida las crabas
Craba, crabit, crabiretas.
Oh! Petiton, crida las crabas,
Craba, crabit e crabiron.*

*Sul camin de la Crots
Sabi un mainatge
Qu'a pas pòur de l'ots
Totis dos salvatges.*

*Oh! Petiton, crida las crabas
Craba, crabit, crabiretas.
Oh! Petiton, crida las crabas,
Craba, crabit e crabiron.*

Un jove pastre somelhava

(Valse du Limousin)

*Un jove pastre somelhava
Dins sa cabana tot solet
Mentre que somelhava
Ausit un angelet.
Aquel angelet disava:
"Pastor, revelha-te".*

*A! Quò es es aquò qu'auve dins l'aire
Lo cial es tot illuminat.
A! Lo brave chantaire.
A! La brave clartat.
N'ei jamei pogut pecaire
Tan ben ausir cantar.*

*Migras pas de ta tropelada
Nadalet zo gardarar tot.
Es mièja muèch pasada,
N'age pas paur del lop,
Io farei ta virada
Lèissa aqui tos motons.*

*Un jove pastre somelhava
Dins sa cabana tot solet
Mentre que somelhava
Ausit un angelet.
Aquel angelet disava:
"Pastor, revelha-te".*